



八九一

序

余嘗驅車梁宋之郊訪晉



賢經游之地問其遺趾而

園亭蔓草臺榭丘墟銷滅

於殘烟斷靄者不知凡幾



長安鄒
振鐸西
請并書



洎乎輓近名家右姓烜赫
人耳目間未幾過之又復
荒穢豐碑纍纍也用是慨
然嘆人世虛幻不啻石火
電光惟詩文一事可以垂

千載而不可雖然三唐以
詩名者無慮數百家若元
白溫李諸公迄今猶稱道
勿置而子孫陵墓衰替久
之且爲耕夫樵叟至併其

譜系而忘之嗚呼人之殫
精苦思以求傳於後者惟
此名耳而名之無益乎人
也又如此然則有其名又
有其子孫以傳其名者豈

不難哉吾雲間杜氏爲祁
公後人遷宅青龍江上閱
十八九世矣其間或含香
珥筆或剖節分符或栖情
典籍或晞髮林泉雖復陵

谷遷變而喬木依然藏書
如故豈非所爲傳之甚久
者與今其裔孫以介彙先
世所遺詩編爲家集而托
其弟次安示余于長安邸

舍余不覺喟焉興感也夫
君家元愷與子美謂非立
功立言者耶然而襄陽故
第成都草堂計已無復存
者而我里幸僻處東南無

兵燹盜賊之患故得世世
相守以至今日迺吾里士
大夫能詩者亦不乏而一
傳以後或一二十年或三
四十年所畱卷帙已散佚

不可問者比比是也今以
介獨能存先人之手澤鳩
而梓之以垂諸永久此固
君家百世之珍而元凱子
美所不能必之于其後裔

者矣余先兩學士以詩文
受知人主距君家給諫歲
月甚近顧余鹿鹿仕籍未
及網羅以爲家乘光余且
媿我以介也以介從弟高

峯貫穿經史工諸家書詩
文傾動公卿間薄外吏而
不爲就翰林院散秩且能
談兵事有當陽風是又克
世其家學者行將哀采撰

著以爲續集之光余更拭目
缺之也已

康熙丙辰清和之望同里
沈荃題於燕邸之知非

廬



叙

嘗讀邑志而知我邑之取稱

名闕擅騷壇者首推杜氏明

初有宗原公者好學持正非

聖蹟書不讀屢膺異數與

文憲金中允並以文學顯嗣
後簪纓奕葉勲名累、風雅
一道至今弗墜余嘗一向涇
焉未始不嘆古今人之不相
及也甲寅夏予避暑草堂及

明徐子西崖貽書於余曰杜
子以介宗原公之後也潛心
著述與其弟姪取累代之特
次第編輯今粹以問世惟我
師一言弁其首余聞之不禁

慨然曰詩之道其在於此
哉昔者以詩取士若孟章高
岑王揚沈宗俱得其一節未
集其大成求其體兼衆美法
號宗工者今少陵氏其誰與

歸今杜氏豈其苗裔歟何源之
長而枝之茂也或謂詩之為
道廣收十五國之風謠而采
擇之今以杜氏名得毋侈以
一家言乎非也夫詩本乎性

情者也嘗見今之操選者侈
風雲月露之詞以矜學博搜
泐未投贈之什以示名高始
之為美鴈之質繼之為聲接
之路至其體之正發詞之純

雜弗向也今以尔原一本之惟
以表彰先人為念其於少陵
惓惓忠孝之心不有相合若
耶且待與史相表裏也古之
時謬學盛行如賈誼劉湛徐

勉王僧孺之徒各以世系之書
為世推服楊隋以後士不敦
本宗法之瘕瘵一日矣今讀杜
氏之詩若今杜氏之祖宗孫
子而倡和於一堂不飾美不

狗同不為孟德之士述宗振鐸
崇韜之上紹沔陽是上不誣
其祖宗也不為義甫之取合
趙郡正倫之求齒城南是下
不誣其孫子也於詩集中而

寓古人宗法之旨其即少陵
所稱詩史者哉且詩非論乎
其遇也雅頌之章固足以
清廟奏明堂而山林川澤之
士無爵祿以縈其心無權勢

以動其氣無車馬風塵以滓
其面目故山水之音未嘗不
與黃鐘大呂並其鼓吹今杜
氏自宗原公以來士大夫以
及韋布諸篇什雜出處異致

顯晦殊時而有全於三百篇
之溫厚和平者固若土一轍
也徐子西嶽工於詩日與杜
子聚首浣花堂中朝參夕閱
相與有成則是編者不實賴

有徐子於余滋喜矣今

國家振興文治詔天下有司
脩郡國之志邑有乘家有譜
將進史局以佐纂脩是斯集
不特為駉壇模楷指日輶軒

下賁太史採風而登之觀其
詩可以知其後人當必有協
贊任明宣揚至治為
朝廷啓金匱石室之藏者端
在杜氏矣是為序

時

康熙甲寅長夏同里張錫

懌弘軒氏拜題并書



敘

詩之道難矣昔少陵值天寶之亂流離播
遷發為詩歌沉雄深鬱為一代詩史夫詩
曷以稱史也成周之時上自郊廟燕饗下
至塗巷謳歌無不采之以占王化迨矇史
失職而詩教天下之意遂衰少陵于一唱
三歎之下舉世道之汙隆政事之得失無
不于詩寓之其褒刺也一猶之筆削也實

一代詩中之史已癸丑秋讀書示我堂中
杜子以介出其所藏京兆諸賢詩稿屬予
編次且弁其語于端或曰今天下人稱漢
魏家號三唐得其所著而剗剔之庶幾廣
覽十五國之風以揚盛典乃沾沾于一家
言以杜名其詩何見之偏也余曰不然嘗
攷邑乘杜氏自明初宗原公以詞科首擢
著作傳海內嗣後風雅代興甲第蟬聯功

名顯赫三百餘年繩々不絕雖其間顯晦
不齊窮達異致然其詩要皆發乎性情之
正以合乎三百篇之遺安在其為一家言
而不可以杜名之哉余受而讀之或高華
如雲霞麗天或幽秀如溪山窈窕或蒼古
如商彝周鼎或香艷如美玉時花或悲壯
如出塞之聲或清警如唳秋之鶴讀其詩
想見其人則其人之學問在焉其人之經

術在焉其人之品節性情亦在焉聚數十世之祖宗孫子而倡和于一堂則是編也謂京兆氏之詩即京兆氏之家乘焉可也余因之又有感矣自譜牒之學不修而天下之人于尊祖敬宗親親敦族之道亦缺然不講將見數傳而忘其所自求所為闡揚遺緒昭示來茲者實難其人今以介以廿年之苦心搜輯先業凡兵燹之所遺畱

蠹魚之所剝蝕考其世次詳其出處原原本本炳在目前所為表彰而收藏之者不遺餘力又取難兄弟倡和之什附之篇末彙為全編是宗原公以下諸賢實少陵之賢胄而以介又京兆氏之功臣也詩乎史乎其即所謂詩中之史者乎疇謂一家言不足以概十五國之風而備三百篇之全也哉此余與以介相與有成之微意也若

夫篇章之正定與字句之損益則有董樗
亭吳亭庵諸先生之校讐在

肯

康熙癸丑重陽後十日同里徐允哲西崖

氏頓首拜題



小子以介哀其先世遺集自給諫宗
原公以下彙輯其詩得若干卷名之
曰杜氏一家言今春儼然造敝廬而
請曰吾杜氏著述之家炳於曩代下
自明初以迄今茲搽觚者項背相望
無論天下即吾雲間家乘所載風流

文來後先掩映或鳴其盛于廊廟或
振其蔭於山林其遺稿具在余恐以
而散軼也因從世系遠近而詮次之
子無靳一言以為序余再三謝不敏
曰嘻此為杜氏家集欵其中多先朝
鉅公與前輩名流所撰述皆鴻篇傑
製久矣焜耀秘府瓊襲名山俞謏劣

後學於此道無能為役安敢輒綴蕪
詞無已姑述君家先世盛事可乎昔
宋真仁二宗之朝首推賢相方正清
約風采卓然可當社稷臣者非祁國
公耶此君家世祖也祁公為會稽人
後子孫移家雲間築室青龍江上園
亭泉石之勝甲一時至今稱杜村有

翡翠碧雲樓中貯書萬卷名流勝地
尚可想見也迨給諫公以清節顯于
明初嗣後簪纓蟬聯有以箕裘紹美
者有以棣萼競爽者有蜚聲禁陛著
黼黻之才者有紀績循良繼清白之
風者有任喉舌之寄而望重朝端者
有躋岳牧之任而澤被生民者有勳

茂雲臺功標銅柱而膺菁茅志社之
榮者其餘文苑藝林獨行高隱皆能
聲施卓犖表見于後嗚呼人材之萃
於一姓彬彬乎可謂盛矣况夫人有
專集集凡數十種洋洋乎灑灑乎無
不各極其才情之所至以追儼千古
成不朽之業令人繹其詠歌而得其

生平性情懷抱恍若與給諫以下諸
公聚首一堂而聆其笑語豈非君家
之盛事而從來世閱之不易覩者乎
君子謂以介斯舉也三善備焉一展
卷而動後人以水木本源之感是永
孝思也前人之潛惠耀而子姓有所
興起風華奕奕以垂無窮是善繼述

也輜軒之使過我邑而採風以上諸
太史則孰斯編以往是脩文獻也故
不敢固辭糠粃之引以敬附不朽云
皆

康熙乙卯孟夏上浣同里董俞拜撰



杜氏詩選序

余少遊四方因得交海內之賢士大
夫非不斐然以文章自命其於敦本
繹祖之念益闢焉子孫之好古者每
博採稗乘以自炫於時未獲殫心風
雅又有崛起富貴反鄙夷其先世而
專矜門第以相誇嗚呼三代而下何

其薄於原本也。吾友杜子以介與其
弟尹爰所居浦東讀書孝友朱林釣
水蕭然如退僧逋客時不用其才之
不強求以合性嗜酒詩歌日益素生
平慷慨談說無不睥睨時同余酒間
飲輒投斗未嘗不歡然恨晚也一日
持其先世遺集若干卷問序於余

讀未卒業而知明初自宗原公以下
文采風流後先媲美洋洋乎洵藝林
之鉅觀而風雅之極致也雖然我竊
有疑焉詩自十五國風則有若燕趙
齊魯秦楚閩粵吳越者不一其國三
唐以詩賦取士子則有若沈宗王孟
高岑錢劉元白皮陸者不一其人而

顧局於家乘儉於取材固於方隅刻
於樹法烏覩所謂博蒐而被遠哉然
雅非以介指也以介之為是舉也不
忍宗祖之遺簡零落於荒烟蔓艸之
餘又不忍以孫子之微誠而頓沒於
兵火蠹魚之後故不憚揚之杞之棟
之拾之使死者若臨乎其上的咳唾於

一坐生者之長幼比肩接膝陟降於
跬武一席之間油然之感誠有見夫
一本之義之不可泯也抑又聞之史
載王羲之謝靈運其本支父老子姪
動以十數百數見稱劉孝綽兄弟登
羣以輩當時有七十餘人竝能屬文
未且後人而集一家之言者有之自

以介也今讀其集勁如雷霆炳如
日星也滅焉而秋悲盡焉而春煥以
媧皇煉石羣靈飛走也砥于滄海
蜃氣盤薄樓閣而煙霏萬狀也李思
訓畫障夜聞水聲程不識將兵不使
辨令出法度外也山林峙而鐘鼎先
棣萼輝而箕裘紹鳴呼固非若晚也

之不厚族姓而競以一第為榮者
相去豈遠庭乎田是觀之以介之且
校且讎且佩且誦慨慕咨嗟祖宗不
得見、祖宗之軼事詩歌如見祖宗
焉則豈非本豐者流涕哉他日太史
採風潤飾故業即以之厚人倫美風
俗端在是矣是集也西崖徐子與以

介共襄其盛西崖為少年領袖詩歌
雋上其衡鑒之力居多云云聞東海
之濱水深而土阜其地多異人焉以
介高隱於此其胸中不可一世之概
與夫謳吟呼哭之情發為詩歌有大
異乎人者我以知其將老而志在也
用是而上邇必簡子美牧之諸公更

為詮次焉源本風騷烜赫藝苑以成
京兆之大全不識以介能許我否乎
乙卯立秋日吳懋謙苕城氏題
於東臯之漾野閣



小引

祺生也。曠不獲見前人之盛德大業，猶
幸獲生於今日，而得見前人之流風懿
範也。夫祖宗法矣，昔之距今幾百年
于茲，以數十世以後之孫子，而能邇數十
世以上之祖宗，又邈不可稽矣。然而水源
木本，異世一堂者，尚賴有前人之詩歌

在余家自祁公以來代有詞人然世久
年遠不可殫述明初給諫宗原公以詞
科首擢稱作者嗣後風雅代興彫
炳宇內或出應昌期翱翔皇路或與
吹休明或守貞抱道崇谷栖遲止以
吟風月莫不人稱能詩各專集三百
年來未易勝數則詩維性情所寄即

謂祖宗世系之所由傳可已獨念星移
物換歲月愈湮昔日之黃絹矣囊半
付于荒烟蔓草中嗚呼是豈作者之
故耶抑傳之者無其人耶况經兵燹集
頌教失其不揣謏劣苦心披緝垂三十年
或訪殘編于私板或采錄於斷紙凡
一吟一詠足以傳不朽者必錄而藏之又取

在余家自祁公以來代有詞人然世久
年遠不可殫述明初給諫宗原公以詞
科首擢稱作者嗣後風雅代興彫
炳宇內或出應昌期翱翔皇路或與
吹休明或守貞抱道萊谷栖遲止以唱
吟風月莫不人稱能詩各專集三百
年來未易勝數則詩維性情所寄即

謂祖宗世系之所由傳可已獨念星移
物換歲月愈湮昔日之黃絹矣囊半
付于荒烟蔓草中嗚呼是豈作者之
故耶抑傳之者無其人耶况經兵燹集
頌教失其不揣謏劣苦心披緝垂三十年
或訪殘編于執板或求錄于於斷紙凡
一吟一詠足以傳不朽者必錄而藏之又取

且仁則棋且亦謝不敏者
康熙乙卯仲冬吉日

邗公後裔世祺謹拜後



紀問十則

客問詩以杜名則自少陵而後歷唐宋而元
代不乏人人不乏詩是集也將合數百世
為一堂以成鉅觀乎余曰詩稱一家原本
世系宋元以前世遠譜逸余何敢附會上
誣祖宗故茲選始自有明取其信而足徵
也

客問京兆氏自西霞而遡東吳給諫以來世
有聞人其間有通籍仕林名噪詞壇而集

中不及一詩何也余曰詩有別腸刻無鷹
本如容州公詞賦端家而音律不傳方伯
公科第顯爍爲葩經宗匠而詩不著亦何
敢捉魏武之刀以誣先代

客問三百篇中體宗四言漢魏以來多尚樂
府茲選何以獨遺余曰四言宗尚旣遠宜
別成一書以備觀覽樂府寄意精奧作者
多不易合故鄙意始于五古終于七絕容
搜羅訂正以質高明

客問編次旣有後人選閱又屬名手則字句
之丹黃篇章之評論何以獨畧余曰家乘
一編原以奉承先躅就正四方若濫加圈
點廣羅評贊旣失祖宗立言本旨亦非余
請教大方意也

客問族如京兆子姓雲初集中所載豈遂觀
止余曰城市山村居處異地數年之內郵
筒所傳得詩若干首業已選梓餘尚俟惠
教續刻幸毋終秘

客問選斷自明則雞澤之璋閩中之三策俱以詩名何獨擯而不錄余曰西霞舊譜三杜鼎峙給諫公以至家咸傳世十三水源本本詩卽寓譜何敢濫列故雲間支派而外獨及崇明父子者以寄籍邊陲系本西霞也否則鉅公名稿不敢冒及

客問杜詩之名始于工部茲選亦以是名得毋遠混前轍耶余曰義貴遵先法宜從祖昔仲高公著杜詩發微吳師道稱其一門

尚古余雖不敏竊效古人

客問士旣能詩則衆體畢備乃一人而僅存其一或全集而未窺其半豈鑒別不無異同歟余曰余宗自兵燹後前人手澤半消灰燼余與家季及寶臣亮工兩叔祖搜輯數年始得未亡篇什如給諫公雙清集紀行詩無從稽考于內翰公集上購遺詩五首觀一可概其餘

客問江左闕閱之盛咸推京兆何集中不詳

列其科名而僅載職銜余曰國初宗原公以詞科首擢世遠代湮失其年次止以給諫誌發祥之自嗣後顯晦不齊又何敢獨詳甲第故服官者則紀其職而舉貢弟子員第標其名表使觀者便查考焉

客問編訂諸體諸名公各閱其一徐子獨總其全何也余曰茲選始自壬子成于乙卯一時如張子曾符包子岷庵吳子曾傳郭子賡虞皆同堂共事後先商確而徐子西乘光也

世祺謹識

崖晨夕與數互相參訂故獨集其成洵家

乘光也

同郡評閱姓氏

唐昌世 存庵

宋徵輿 直方

陸晉錫 晝公

顧其言 介石

周茂源 金山

王光承 玠右

顧開雍 偉南

沈荃 繹堂

張若羲 帶三

謝楨 禔月

朱在廷 瞻淇

張一鵠 忍齋

吳懋謙 苧菴

朱在鎬 拜右

許纘會 鶴沙

顧大申 見山

施維翰 研山

吳騏 日千

張錫懌 弘軒

袁睿 靜庵

田茂遇 髯淵

錢德震 武子

王日藻 印周

張宸 青瑯

董含 闕石

計南陽 子山

莫秉清 葭士

曹垂燦 綠巖

閔峻 山紆

董俞 樗亭

張淵懿 硯銘

林子威 武宣

錢穀 子璧

李蒸 竹西

王濤 勝時

張彥之 洮侯

張守 曾符

王鐙 朗士

陸鳴珂 曾庵

王頊齡 顓士

沈麟 友聖

路鶴徵 湘舞

錢芳標 尊艇

袁蘇 雪臯

張鏌 如九

周金然 廣庵

葉映樞 蒼巖

盧元昌 文子

王鴻緒 儼齋

吳三省 曾傳

彭開祐 孝緒

沈白 賁園

莫新之 松嵐

錢金甫 越江

徐寧 安士

戴茂隆 蘿軒

艾芳臣 柔定

陳治 山農

彭師度 古晉

張鼎銓 玉行

徐允哲 西崖

張疎鼎 梅崑

郭鳳鳴 賡虞

吳蘭芳 以秋

包爾昌 介繁

郭鳳儀 虞符

葉楠 芥舟

張起麟 趾肇

王宗渾 景冲

姚烈 青番

雲間杜氏詩選目次

杜際 號宗原官禮科給事中以平緬功賜

五言古詩二首 五言律詩二首

杜幅 字季誠號友松所著有南浦散民禱

五言古詩一首 五言律詩一首

杜芸 字廷翠號瑞軒授七品散官

五言律詩一首

杜詩 號友葵官至中城兵馬司正指揮

七言律詩一首 五言絕句二首

目次

杜 禮 字子明號東溪

五言律詩二首

杜 秦 字子瀛號懷松鄉飲賓

七言律詩一首

杜 翺 字雲漢號養拙

七言律詩一首

杜 翔 字雲程號竹隱

五言古詩一首

杜 稜 字子祈號南坡

五言古詩一首
五言律詩二首
七言律詩一首
五言律詩一首
七言律詩一首
五言律詩一首
七言律詩一首
五言律詩一首
七言律詩一首

杜 讚 字思萊年踰九十猶與奉政公黃縣

五言律詩一首
五言律詩一首
七言律詩一首
五言律詩一首
七言律詩一首

杜 時登 字庸之號虛江官浪穹令崇祀名宦

五言古詩一首
五言律詩二首
七言古詩一首
五言律詩一首
七言律詩十首

杜 時達 字兼之號逸山官紹興府幕所著有

七言古詩一首
七言律詩一首
七言律詩一首
七言律詩一首

杜時中

字宜之號來岡年九十八鄉飲賓授

五言古詩三首

杜時騰

字冲之號孺懷官黃縣令崇祀名宦

五言律詩二首

杜時選

字麟郊

七言律詩一首

杜時遇

號怡山官雲南憲幕有遊燕入滇諸

草傳世

杜時燦

字子英號筆峯

七言律詩一首

杜宗魯

字元輔號景山官臨安令

五言律詩一首缺

杜宗彝

字孝若號淳臺官至夔陵守

七言律詩一首

杜宗範

字公圍號閩風所著有燕山州金陵

五言古詩一首

七言古詩一首

五言律詩三首

七言律詩三首

杜宗恂

字恂如號蘅臯

杜宗玠

七言律詩二首
七言絕句一首

字真吾所著有西園倡和集

五言律詩二首
七言絕句一首

七言律詩二首

杜宗端

字太行號君權

五言古詩一首
五言絕句四首

七言律詩二首

杜獻璋

字城南號穉珪官至光祿寺丞

五言古詩一首
五言律詩二首

七言古詩一首
七言律詩三首

七言絕句三首

杜獻璠

字公魯號雲樓累官至刑部山西清吏司郎中

杜獻琰

號順圃官臨川令

五言古詩一首
五言律詩二首

七言古詩一首
七言律詩三首

五言絕句四首
七言絕句二首

杜開美

字象南號表慶官文華殿中書所著

七言律詩一首
五言絕句一首

有扣舷遠遊貂裘秋水瀾州後帶白

五言古詩一首
五言律詩二十首

七言古詩四首
七言律詩二十首

杜士領

號禹門授七品散官

五言絕句四首

七言絕句八首

五言律詩二首
七言絕句二首

七言律詩四首

目次

杜士全

字道執號完三縣吏部主事禮科左給事中累任至南京工部尚書所著

有春星堂存稿行世 七言古詩一首

五言古詩一首 七言律詩三十首

五言律詩八首 七言絕句五首

杜士基

字彥恭號筏城官至吏部主事兵部郎中所著有仍詩閣集行世

五言古詩一首 七言古詩一首

五言律詩二首 七言律詩八首

五言絕句十首

杜士重

字彥弘號青虬

七言律詩三首

杜士望

字子厚

杜士益

字叔謙號平谷

五言律詩一首 七言律詩二首

五言古詩一首 五言律詩二首

杜士冠

號文台

五言律詩一首 七言律詩一首

杜士漸

字穎先

五言絕句二首 七言絕句二首

杜士雅

字幼白一字幼安所著有茗柯諸什

七言絕句一首 五言律詩四首

七言律詩十首

目次

七言

五

杜士肩 字巨先

七言律詩一首

杜士純 字伯一

五言律詩二首

杜文煥

字日章號焱武左柱國特進光祿大夫加太傅晉爵崇明侯所著有三教

會宗五嶽統志太霞洞集行世

五言古詩二首 七言古詩一首
五言律詩四首 七言律詩八首
五言絕句六首 七言絕句三首

杜元培 字天植

五言古詩一首
七言律詩一首

杜元會 字際飛

五言律詩二首 七言律詩三首
五言絕句二首 七言絕句三首

杜元楚 字子材

五言律詩一首 七言律詩二首
七言絕句二首

杜元杰 字若凡號萬侯

七言律詩八首

杜元方 字思難恩廕官生

七言律詩二首
七言絕句二首

杜元良 字起侯號袂六著有開居草

五言古詩一首
五言律詩三首
七言古詩一首
七言律詩三首
七言絕句一首

杜元馨

字明惟號懷庵所著有申浦放民詩

五言律詩二首
五言絕句四首
七言律詩三首
七言絕句二首

缺二首

杜元鑣

字天馭號通庵所著有醉吟草念先

五言古詩一首
五言律詩五首
七言古詩二首
七言律詩四首

五言絕句四首
七言絕句三首
又一首

杜元臣

字亮工號省庵

五言古詩一首
五言律詩一首
五言絕句二首
七言律詩一首
五言絕句二首

杜元凱

字舜舉官生

五言律詩一首
七言律詩一首

七言絕句一首

杜元期

字孟猷號貞起

五言律詩二首
五言絕句二首
七言律詩二首
七言絕句二首

缺一首

杜忠期

字仲修

七言古詩一首
七言律詩一首
五言律詩四首
七言絕句三首
五言絕句二首

杜如期

字孟符號符公所著有存筭稿

杜如恂

字天球

五言律詩三首
五言絕句二首

七言律詩二首
七言絕句三首

杜弘域

號開之太子太保左柱國特進光祿大夫太保崇明伯

五言律詩一首
五言絕句一首

七言律詩一首

杜蓀

字幼君號禹山官縣教諭陞知縣

七言律詩一首
五言絕句一首

杜蘅

字幼青官儒學訓導

五言律詩一首
七言律詩一首

七言律詩一首

杜麟徵

字仁趾號素浣官北京兵部職方司主事

五言律詩二首
七言律詩一首

杜啓文

字景韓號樵隱所著有九峯山人集

五言古詩二首
五言律詩三首

七言古詩一首
七言律詩四首

杜啓徵

字以謙號念哉

五言絕句二首
七言絕句一首

杜啓旭

字馭初

五言律詩三首
五言絕句二首

七言律詩三首
七言絕句二首

七言律詩一首

杜啓慶 字錫餘

五言律詩一首 七言律詩一首

杜啓晉 字康侯 號素庵

五言律詩一首 七言律詩二首

杜啓源 字祖崑 號漢來 考授縣尹 未仕 卒著

五言律詩三首 七言律詩三首

杜啓潢 字胤侯

七言律詩一首

杜爾詔 字欽生 號浣岫 所著有澹園草

五言律詩二首 七言律詩二首
五言絕句二首 七言絕句二首 缺一首

杜爾諧 字康仲 號完初

七言絕句一首

杜爾璣 字子玉 號省非

五言律詩一首

杜爾強 字自公

七言律詩一首 七言絕句一首

杜爾譔 字枚叔

七言律詩一首

杜貽永 字毅汝

五言律詩一首
七言律詩二首

杜聖生 字子法

五言古詩一首
五言律詩三首
七言律詩二首
七言絕句二首
五言律詩一首
七言絕句二首

杜餘佑 字履信

七言律詩二首
七言絕句二首

杜亮采 字爾臣 號嚴六

五言律詩二首
七言律詩三首
七言絕句二首

杜啓胤 字開生

七言律詩一首

杜來遠 字爾長 恩廕官生

五言律詩二首
七言律詩二首
七言絕句二首

杜龍德 字馴伯

五言律詩四首

杜肇孫 字席書

五言古詩一首
五言律詩一首
七言律詩一首
五言律詩一首

杜文孫 字暨聞

杜世祺

七言古詩一首
七言律詩一首
字以介一字南山

五言律詩一首

五言古詩五首
五言律詩二十首

七言古詩六首
七言律二十首

缺八首

杜世法

五言絕句五首
七言絕句十首
字子行

五言古詩二首
七言律詩三首
七言絕句二首

五言律詩二首
五言絕句三首

杜世祉

字尹受

五言古詩三首
五言律詩八首

七言古詩二首
七言律詩八首

杜世裕

字次安號爰諷

五言絕句三首
七言絕句五首

五言古詩一首
五言律詩八首

七言古詩一首
七言律詩五首

杜世雋

字晉五

五言絕句二首
七言絕句三首

五言律詩二首
七言律詩二首

杜世春

字公臺

五言律詩二首
七言律詩二首

杜世春

字

官

今所著有登樓集行

五言古詩二首
五言律詩四首
七言古詩二首
七言律詩四首

五言絕句二首
七言絕句三首

杜登春
字九高號高峯考授知縣

五言古詩二首
五言律詩四首
七言古詩二首
七言律詩八首

杜恒春
字容三

五言古詩一首
五言律詩四首
七言古詩一首
七言律詩六首

杜世模
字式凡

五言律詩一首
七言律詩二首

杜世準
字萊又

五言律詩一首

杜世集
字蓉洲

五言絕句一首
七言絕句二首

杜廷銓
字濤則

五言律詩一首
七言律詩三首

杜弘瀛
字臣谷

五言古詩一首
五言律詩二首
七言古詩一首
七言律詩四首

杜詩

五言絕句二首
七言絕句二首

杜天鑑 字藻觀

五言律詩五首
七言絕句二首

附寶田堂記

失編

杜元培 字天植

七言律詩一首

杜元馨 字明惟

七言律詩一首

杜名林 字君揚興國州教諭

七言律詩一首

杜麟徵 字仁趾

七言律詩一首

杜龍徵

字次飛

七言律詩一首

杜餘佑

字履信

七言律詩一首

杜肇孫

字席書

七言律詩一首

杜文孫

字疊文

七言律詩一首

杜世祺

字以介

七言律詩六首

杜天鑑

字藻觀

七言律詩二首

杜時襄

字昆明

五言律詩一首



杜元方 七言絕句二首
杜餘佑 七言絕句二首
杜世祺 七言絕句八首
杜世集 七言絕句二首
杜天鑑 七言絕句二首

雲間杜氏詩選

五言古

莫秉清 蔣士氏

同郡 吳懋謙 六益氏 選閱

徐允哲 西崖氏

京兆後裔 杜世祺 以介氏編輯

杜隰

讀史

萬乘方雷動 匹夫敢見仇 狙擊雖云勇 無乃非
良謀精誠感天地 黃石佐奇猷 滅秦併滅項 報

杜詩

五言古

韓亦報劉功成身蚤退駕言赤松遊淮陰既就
戮蕭相亦甘囚同茲三傑名何如辟穀優

懷古

吾愛陶彭澤蕭然遺世姿高情託雲鳥苦節寄
東籬饑驅時出戶酌酒卽成詩五男俱用晦三
逕獨逶迤門種先生柳卧與羲皇期斯人悵已
矣清風良在茲

杜 幅

南浦書懷

側身望東海蓬壺近咫尺一氣混鴻濛奔流沸
晨夕湯湯渺無涯鳴雷撼几席曉霧暗茅楹潮
平四望白修竹覆短垣清陰蔽阡陌寄傲羲皇
前探竒窮典籍放眼傾綠樽醉來頻岸幘此意
足千古散髮聊自適何須揖松喬餐霞弄白石

杜 翔

登岱宗

群嶽誰與伍海邦推岱宗突兀壓齊魯峻極逼
蒼穹俯仰但一氣四野皆濛濛清風來萬壑雲

霞盪我胸斷碣卧草間古松如虬龍既無漢代
簡安得秦皇封呼吸通帝座策杖將安從

杜 祓

貧婦吟

雞鳴天欲曙傾耳聞太息借問嘆者誰貧婦多
慘戚云昔初嫁時父母盛粧飾一旦誅求盡短
衣不掩幅素手倚茅楹杼空莫可織輿隸過我
門白馬黃金勒入室肆叫號欲忍氣已塞夫婿
輪官租多方受陪尅未明出戶去歸來已昏黑

不言但欲歔相對愁無食誰非父母生獨我苦
徭役唐虞伊何時耕鑿安帝力

杜時登

數詩

一生不得意緬想空鬱結二親貽穀謀朝夕誨
諄切三十未成名存否視我舌四海無良朋修
詞貴不輟五侯競馳逐余獨守姱節六藝激芳
潤佳言吐如屑七子才俊徒賦詩凌白雪八達
汚南朝正可稱痴絕九畹締蘭盟玉石居然別

十頃足良田糊口時或竭百爾如等閒仁義不
可缺千秋萬禩后英聲豈磨滅

杜時中

長谷忽欲言別不能爲懷賦贈三首

憶昔逢君時冰雪淒路側閉戶傷遲暮
煢煢匹美人惠錦衾予亦贈瑤瑟一顧遂日成歲
寒誓不易之子無遠心世路多荆棘風急無安
棲遽嘆分飛翼

其二

分飛將安適故鄉未可期春光盈繡陌悲風生
路岐丈夫苦匏繫踪跡輕別離啓篋理前詠感
愴安能持驅車向吳越前路多新知回首離群
者何以慰相思

其三

相思復何言感徂各努力風塵滿天地昏翳有
時白羞曳王門裾豈炫懷中璧吾黨二三子成
言在疇昔氣誼托永世綢繆在今夕自愛且加
殮故人憂填臆

時中後目錄
者有六人乃及
宗範何以傳不
見錄

杜宗範

同道執姪解任南歸極跋涉之苦作苦寒
行

孟冬天氣肅道路阻且長出門如轉蓬萬里欲
翱翔渡江聞落葉涉河窺四荒寒水日枯涸陰
雲日飛揚一夜北風勁天空地滿霜層波凝萬
壑大地無汪洋迎暄如負冰重裘等羅裳未暇
惜顏色寒威能斷腸未暇嘆路岐坦道如龍荒
少年輕離別有志在四方今朝道路苦方知憶

家鄉安得陽春調解此苦寒行

杜宗端

思太古

悄悄感無方靜卧思太古一氣冥鴻濛何須煉
石補陰陽未剖時婚嫁尚無苦裸壤不相驚金
玉棄如土湯武爲厲階戰征遂成譜蝸角與蠅
頭有力各自努山威虎豹立水駭蛟龍舞舉眼
盡荆棘區區安足數長嘆起徬徨空庭月正午

杜獻璋

杜詩

五言古

五

石屋

雲竇敞百尺曜靈互昏曉
淅瀝瓊漿鳴歲蕤玉芝繞
藤蘿罨蒼虬烟拱宿青鳥
壁捫霞欲滴澗窺碧未了
別扉晝不開扣之聲悄悄
惟見白雲飛欲覓仙踪杳

杜獻璠

遊仙

濁途難投足人代若陵若
鍊骸茹紫芳驟虬思拂霄
電頃凌倒景銀臺鬱峩羣
真列如麻芝

蓋紛逍遙立津曠寥廓冷
然萬慮消韓終欣拍肩涓
子前相邀濯足織女河晞
髮絳庭標餒我如瓜棗令
我朱顏饒鴻飛授竒訣錫
佩解織腰歡娛迥無雙萬
劫方一朝俯睇北邙道衰
艸黯蕭條

杜開美

訪王延年不遇

端居寡懽悰攬衣出西郭
遠樹含餘清朱華春岸落
緒風吹我裾水田曠漠漠
悠然濠濮想行

嘯振五壑眷彼中林士埋照卧寂寞雙扉晝亦
倚白雲抱幽閣獨造不知處青天騎野鶴

杜士全

和蔡心可寅丈登天壇觀祭器

聖人建中和清寧天地位首定郊社儀壇壝規
制備峩峩穹宇高翼翼象緯侍顧盼嶽瀆間松
栢畱蒼翠藏室在北隅盡貯禮樂器琮璧與裳
衣几筵及鼎解西南列齋宮精心徹寤寐想見
穆若容奉璋趨羣吏凜凜畏天威此物與此志

迄今二百年小大皆有識百神擁帝君兩京同
一視受命來分司入問必每事燔柴望燕雲欽
崇靡敢二

杜士基

畫眉詞

躑躅樊中鳥致之自遠方毛羽未豐美朝夕養
華堂飼爾以香稻飲爾以瓊漿恩深豈不感胡
爲遽飛翔去去何時還主人徒徬徨好音不復
憶爛熳遙相望金丸深可虞羅網亦密張弗因

後林喜反爲弋者傷

杜士益

子久席上喜晤徐子先太史

憶筭別君時霜葛已十易君今晝錦歸余髮半
斑白中懷互相陳握手情逾昔羨君遊金馬行
看作柱石嗟余卧蓬蒿深耕歷阡陌依依林下
鳥矯矯雲中翮更盡一杯酒陶然樂今夕

杜士雅

登玉峯

崑山一片石千載多竒峯登攀收萬象城郭帶
縱隴野田薄春水人烟動曉鐘樹杪出帆影川
長落雁重未暇探竒跡崎嶇力已慵不見璞中
玉徒看石上松

杜文煥

出關塞

揚旌度隴頭萬里玉關秋感激君恩重忘身赴
國讐黃塵暗草莽妖氛昏戍樓故鄉一回首歸
思邇悠悠

秋興詩答錢牧齋

清秋氣蕭爽散髮長林下
索居遂幽情同心一
何寡紫萸旣繞籬黃菊復盈把
放志杯酒間怡
神廣莫埜大塊勞我生至樂非外假
栖遲南畝
聞自是優游者

杜元培

送漢來姪爰諏姪孫北上

綠槐結重陰薰風動繡陌
驪驢本空羣相顧眇
儔匹丈夫志四方豈嘆分
飛翼鳴鞭向帝京各

挾干時策仲容青雲姿
步兵人中壁賦成見天
子姓名光史冊莫曳侯門裾
清時須努力

杜元良

登虞山

吳地多奇峰虞山聳翠壁
仗劍一登眺曠望絕
人跡蒼蘚滋斷崖古木抱危石
山舍棲梵宇睥
睨繞山脊幽洞疑百尋
澗水噴千尺攀援陟巉
巖清風出兩腋披襟還嘯傲
雨暗樹林白揮手
下層巒惆悵羈旅客

杜元鑣

同徐克沐念陶姪遊王學憲梅源

茲地猶人境何乃似桃源僻壤啓幽徑溪流
潺湲種梅盈廿畝栽竹動萬竿綠樹繞茅屋雞
犬時熙閒我來及春時玉英正紛繁香浸肌骨
清蠟屐遍林巒穿溪渡竹橋攜手俯流湍日暮
欲忘歸斯樂永弗諼

杜元臣

田園樂

貧賤衆所耻役志在膏腴我心寄泉石學圃種
園蔬雲暗野徑僻月白荒村虛筵席具雞黍云
何邀里胥數訖謝公聖半床楊子書披卷復嘯
傲此身恒晏如

杜啓文

下客謹

下客黃金盡登堂敢自伸彈鋏歌歸來亦欲
清塵豈知穎未脫不若珠履親試問三千士
關誰出秦賤子伎雖薄報恩尚有身撫膺思知

我揮手謝主人去去弗復顧何處不長貧

賤士詞

孤雲歸峻嶺倦翼息荆榛萬族各有託志士獨
苦辛迂濶存吾道朴素今無隣世情貴利達幽
貞誰與親願言安百拙常懷席上珍山中多桂
樹不知天下春

杜聖生

征婦怨

秋淨莫天碧空閨羅綺寒側聞鄰杵鳴玉露何

溥溥憶昔別離日桃李飄征鞍云何涼颺起不
見征夫還君心太汗漫妾志徒辛酸愁顏對古
鏡清淚何時乾願爲關山月長照客衣單

杜肇孫

孤鴻

羣卉凋素秋高天揚輕雲嗟哉雲中雁嗷嗷失
其羣豈不念儔侶懷此稻梁芬曉征視曙星暮
宿依斜矚長途倦羽翰清夜哀聲聞睠茲江海
性自與儔類分茫茫寥廓遊繒繳徒辛勤

杜世祺

同賡虞登茅峰絕頂

山勢出重霄憑虛凌縹緲置身絕壁間但覺天
地小仙宮隱翠微香霧晝繚繞大江從東來奔
流何浩浩南顧皆遠黛嵐氣青未了風疾起松
濤雲開散高鳥共道心目寬那識塵情擾日暮
攜筇歸夕陽淡林表

贈莫松嵐先生

托跡南浦濱學道無窮已卓識契前修高情樂

圖史寡營澹榮華嘉遯甘沒齒所以古良士長
貧不爲耻

秋夜漫賦

仰視碧天空俯聽松下風空庭誰結伴明月照
其中明月明何潔皎如寒冬雪偏與幽人期獨
坐情飛越性定境自真清影滿前津萬象皆失
色參差星斗陳

浦中別子來

乍從西山歸遽作南浦別長風揚飛帆白日忽

七言古

五言古

三

焉沒古渡凝寒雲江光互明滅滔滔捲夜濤昏
黑愁難發四顧寂無聲烟中見明月

村居

茅屋絕風塵數椽臨水曲古樹蔭蒼苔修竹覆
窓綠昨夜春花开香光清可掬黃鳥時間闕
簷展書讀素心本寡營耕鑿慰初服三復考槃
詩永矢以勿告

杜世法

客從遠方來

客從遠方來遺我綠綺琴橫琴膝上彈知君千
里心絃斷不復續契濶愁知音恃此金石交不
爲寒暑侵高山與流水千載令人欽

古意

迢迢百尺樓樓中有少女翠羽豔明璫朱欄佇
容與皎皎羅衣裳娥娥欲飄舉夫婿遠行役別
離恨何許百寶合歡床長夜難成侶中心念君
子不敢易寒暑

杜世祉

遠別離

女蘿施松柏托根固其宜與君結情親相守弗
相離如何遠行役千里隔天涯悠悠望長路感
念遂經時昔見春花開今看秋艸萎恨無凌風
翼安能寄所思願君保堅貞賤妾終不移

招隱

夕憇北山石朝採南山芝澗水何潺潺青松潔
其姿麋鹿自去來鳴禽聲叅差中有長年人春
風綠鬢絲石牀長瑤艸古洞雲相窺洪崖不可

見高踪恒在茲萬物固有託千古祇自知長揖
巖谷士深山賦樂饑

雨窓柬徐西崖

細雨過芳甸東風入衡廬庭艸翠如沐閒花光
漸舒曠懷靜物役適意事耕鋤因以念我友閉
門安閒居良材貴自保勿謂知者疎貧賤交方
見行藏信不虛願言重意氣相知在古初

杜世裕

萬歲樓

樓在潤州城內

步登月華山陟彼萬歲樓樓高衆山豁俯瞰長
江流江光透明滅日落帆檣浮寒烟迷戰場征
馬嘶不休昔人既已沒此地空千秋有懷向衰
艸悲風終古愁

杜春

山居

山光曉無際當窓映餘綠好鳥媚芳條纏綿出
虛谷藹藹雲中樹蕭蕭澗邊竹松風捲夜濤雨
勢群巖足出門散煩襟俯仰送遊目理屐欲登

山陰晴猶未卜

送盛三子鐔兼寄金子漢臣

嘉會欣夙昔離別在須臾把酒送故人惜別兩
踟躕僕夫戒前路道遠從驪駒揮淚上河梁惆
悵天一隅北鳥悲離群人生安索居舊遊四五
輩迥若越與吳君歸洛陽社置酒盈前除連袂
入花源高卧遊唐虞今我復何爲役役方馳驅
故人不可見悵望南陽廬

杜登春

初秋臨流草堂卽事呈張硯銘年兄

良會不羨多白日不羨長羨爾古道殊撫絃琴
高張置酒炎暉際群賢集艸堂紅蓮擎翠蓋黃
鳥呼綠楊我亦披襟來太息賓主傷衆賓競酬
唱主人事丹黃衆賓競尊沓主人罕激昂衆賓
歌旣醉主人樂未央金風捲秋籜久要何可忘

村居雨霽

遊子蕩何適駕言歸故林故林窘陰雨終日坐
沉淫所思在北屋渺若商與參回風匝遠地薄

靄豁幽襟牧人抱笠至野老擊壤吟我獨寄遠
眺丹霞照我心游絲罥衆木緗帙竄孤鱣出門
求友去寧嫌屐齒深

杜恒春

初秋張硯銘臨流艸堂卽事

大火西流夜商風吹我襟池魚躍清水寒蟬響
高林不事樽酒樂安知結交深種瓜學東陵婉
變有鳴琴少時耽詩書惟堅膠漆心未得黃金
術徒憂白髮侵蘇門發長嘯千古誰知音

杜弘瀛

賦得山月照行舟送友人還山陰

舟以月為隣舟在月亦在舟月兩為情行人乘
此渡初出柳邊橋復入蒹葭路晤言非一朝南
浦傷離緒青山似解愁欲送不能赴月遠舟漸
遙舟行月旋顧悵望不勝情餘光滿江樹

雲間杜氏詩選

七言古

張守曾符氏

同郡 董俞蒼水氏選閱

徐允哲西崖氏

京兆後裔杜世祺以介氏編輯

杜 祿

春堤曲

小樓幾日東風暖曉起凝粧簾半捲長堤一片
柳如絲春色無言鶯睨曉堤邊走馬誰家郎獨

七言古

自停鞭大道傍旗亭酒醉忽不見滿路飛花芳

艸香

杜時登

女優

楊柳垂垂鶯欲啼春風披拂綠蘋齊艷異無雙
怨三峽夢竟幾見襄王獵武陵夾岸碧桃花芳
艸繽紛是妾家邨家兒郎謝家子西入咸陽狎
趙李蘅杜氤氳鸞鳥鳴羅衣長袖爲誰輕形若
遊龍色翡翠姣服華裾爲誰麗賈姬拂拭

常韓壽飄飄西域香長子彬彬女學士旖旎都
房擁青史太真綽約幽且閑頭上珠璣間木難
文兒開吻語玄奧阿平聞之應絕倒蛾眉蟬鬢
相新鮮解龜換酒斗十千滿院笙歌汝居右獨
抱箜篌愬其母銅雀臺中激楚風賽並花枝裊
裊紅聲薄雲天光照地一曲明珠萬行淚藉令
天子議和親忍將柔曼嫁烏孫縱然千斛臨邛
酒療得文園消渴否卜夜傳觴發浩歌佳人扶
醉朱顏醜吳歛曲終宜奏雅南威西子何爲者

本言
閨中自有窈窕娘使君莫作野鴛鴦

杜時達

漂母歌

君不見漢家大將韓王孫窮棲未遇伍儔人風
塵落落無知己俠骨摧藏含苦辛晨炊不飽還
寄食垂竿聞釣滄波碧傷心撫劍發悲謔貧賤
泥途誰物色咄嗟何物老女子家住淮陰近城
市一飯會邀俠客歡布衣已識真國士人生酬
恩重知遇不然徒具鬚眉耳富貴縱令金錯交

何似當年一盃水王孫崛起扶炎劉白壁黃金
朝拜侯男兒墮地身不歿豈肯艸莽終低頭手
持千金上母壽自言報德慙非厚可憐何處無
王孫一飯城隈堪不朽黑貂蒙茸蒯緤爛闌茸
紛葩方自負眼前失却韓王孫何須惘惘稱漂
母

杜宗範

道中遇雪有懷兒姪

寒風烈烈黃塵飛同雲一色日光微凍雪紛紛

滿空下行人絕跡飛鳥稀千門萬戶寒凝素一
色瓊瑤不知暮遠客看山驚白頭夢竟迷却歸
來路家在江南雲水鄉雪中思憶幾迴腸兒童
競解烹殘雪不道關山路更長

杜獻璋

長安人日懷社中諸子

眼看元日俄人日坐憶江城隔鳳城鶯聲不報
故園信柳色翻牽游子情遊子故園歸未得五
斗棲遲空嘆息漢代爲郎賤馬卿馬卿狗監猶
能識賣賦無金典驕驩吳姬壓酒鶯兒黃春光
正好不共醉漫說題詩寄艸堂

杜獻璠

夜泊聽吳訶

扁舟逢夜依漁市明滅漁燈照江水獨客蓬窓
酒自傾空江浙瀝流波鳴流波細織聲聲怨枕
畔聞之增繾綣客情繾綣東流長何處吳歛抑
復揚初疑子夜唱家曲又似清商調轉促迴風
急雨競淒清絕壑哀猿相應生近兮若遠斷還

續更剪殘燈聽不足魚龍寂寞江不流嗚嗚似
訴鮫人愁何須遷客潯陽道離憂我亦縈懷抱

杜開美

送徐明府世範擢職方郎

使君昔駕雙鳧來萬樹花同笑口開使君今駕
雙鳧往畱得甘棠萬家想目送飛旌向縉雲驪
歌猶認是南薰已看巖邑稱循吏又見雲臺蚤
策勛從車不必王生載奏對憂時應慷慨從君
亦欲請長纓雕蟲擲却書生態津亭楊柳綠平

鋪莫問潮生好去無把酒暫教青雀任還將劉
寵一錢沽

種竹戲作

桃李斷腸花楊柳傷心樹總多兒女情攀折委
中路路傍綺態可憐春直節何如對此君拖烟
籠雨千竿立孤標不與同風塵吾欲呼爲素心
友庭畔移來盟共久竹素千秋借汝垂竹葉千
觴快我口箬笠裁成勝進賢漁竿恰稱滄浪叟
以此周旋交最深竹帛勲名愧未有明年雷雨

長龍孫野水寒雲應不負

秋日同王百穀陳省公遊虎丘

虎丘山色秋偏好紅樹朱宮射蒼昊
苧袍猶染越山烟餘興還能事幽討
生公已去石不言劍化池空白浩浩
千人坐共青天平千疊雲同黃葉掃
二八吳姬盡錦襦遊閒公子紛吳縞
錦襦吳縞互夷猶邀笛彈箏不解愁
相逢競說登臨樂莫問吳宮成土丘
嗟余夙願耽丘壑松徑解衣縱盤礴
會心便作濠濮想况復羣峯天外削
俗士駕常令耳目生清涼

春日對雪柬張長輿

青陽乍向流光擲競喜春山試春屐
黯淡雲沉萬井烟蕭森氣慘孤征客
章臺柳短未舒黃繡軸朱簾驚絮白
翡翠樓中暖較遲鴛鴦瓦上霜疑積
鶯啼曉怯金縷單千樹萬樹銀花寒
流漸盡帶冰絃響郢曲誰家玉笛殘
朱爵文窓博山蕪曲筵高倚臨瑤屑
半酣藉綺擁如花那知萬

逕人踪滅蕭齋抱影悲復歡剝啄不遣雙扉彈
佛燈著椀供坐嘯羸得清光映映看陽春白雪
汝能歌高卧衰安奈若何雪消欲放看花艇桃
水應連太液波

杜士全

何兵部半莪招同張宗伯侗初錢學士機

山飲于李氏山園

城隅小山伴矮屋天與幽人賦邁軸碧流繞逕
響潺湲梅花當窓香馥郁新柳欲催黃鳥啼短

墻許借南隣竹豈隨塵市溷京塵翛然野趣同
空谷老夫褊性愛幽棲安得此中成小築兩度
尋春趁酒來盤有新蔬兼旨蓄玉缸到手漫徘徊
泂泉聲冷冷花簇簇忽然林下香風起簾前花
瓣飛相逐溪邊桃李笑將開可待重來宜信宿

杜士基

寶刀篇爲滿大將軍賦

烏思寶刀天下聞厥名白霓能決雲千金購得
三公佩一朝相贈何殷勤玉爲瑛奉珠作口金

七言古

七言古

七

環獸帶鮫文首隆隆虎氣嘯風雷燁燁龍光燦
星斗有時雄鳴霜匣裏結佩還將白雲倚不分
妖氛夜亘天
徙帳收呼延持刀躍馬出門
去斬取渠酋首無數歸來意氣雄萬夫刀痕猶
帶血模糊

杜文煥

十八盤

鳥路盤迴凡十八雪積冰凝路逾狹攬勝寧辭
傍險行尋真不憚衝泥滑上撥浮雲下涉淵衣

霑霜露屐凌烟自是削成真險絕空愁蜀道如
登天十八盤凡幾里辰刻攀緣午未已青柯之
坪在眼前一聲長嘯秋風起

杜元良

陌上歌

採菱陌上踏歌時青青燕麥動離思鶯啼蝶舞
春晝暖盛年不久容華晚拂柱催絲爲君詞莫
辭綠蟻醉顏酡春風羅綺能幾何

杜元鑣

丹山行壽樵隱姪五十

君不見丹山之陽產鳳凰世非虞周罔翱翔豈
無高梧與修竹德輝九采待明王士也璘珣具
仙骨青藜金馬同飄忽手揮塵尾白玉床風吹
薜荔搖明月少年作賦鄒枚驚梁園羣彥疇連
衡紅顏捧觴爭索句脫釵墮珥交縱橫一時才
名齊辟易龍文閃閃干將色草檄西馳討夜郎
感時欲上長沙策風雲晦塞天地閉顧瞻周道
徒零涕南陽高卧樂躬耕秋水扁舟恣遊戲昔

時孺子今皆侯軒車駟馬誇優游華堂綺羅半
沉醉掀髯一笑等蜉蝣採芝行就山中道攜手
山妻稱德曜天津橋上墮驢人只今且理磻溪
釣

贈天植五兄入都

聖人時恢八紘網辟雍鐘鼓鈞天響臨軒策對
慶都俞石渠虎觀詎能兩簪纓世澤良非私清
白遙承允在茲驂騶一鳴伯樂顧空羣絕影天
衢馳鶯花爛熳游仙侶揚帆早達明河渚玉爐

香繞珮聲回承恩夜賜金蓮炬江東季弟猶布
衣抱琴空嘆知音希滿溪桃李芳菲早翹首青
雲晝錦歸

杜忠期

春感和霞城韻

韶華等虛度人事悲離索試看桃李花今朝已
非昨紛紛臺榭點胭脂燕子啣將歸晝閣晝閣
佳人背鏡臺珠簾乍捲春雲薄但見雲流客不
歸盡日倚欄愁寂寞雕欄十二繞朱樓天涯南

北思悠悠誰憐一去無消息花落年年伴獨愁

杜啓文

丘烈婦歌和莫松嵐韻

丘家少女顏如珠十六許嫁丁庸奴食貧十載
共有無自甘苦節已如荼丁郎謀生無良圖將
身傭作寄屠沽綏綏淇畔多雄狐婦操不減秦
羅敷燦燦黃金胡爲乎視歿如歸誓不污密線
縫衣不露膚雙眸迸淚捨地呼白日無光慘不
蘇飄然魄散歸陰都貞潔皎皎湛冰壺乃知烈

婦真丈夫嗚呼乃知烈婦真丈夫

杜文孫

清明踏春歌

清明三月柳條稀班鳩不鳴紫燕飛村原一望
靡蕪碧共道踏青向南陌青鞵徐度林塘幽落
花芳草縈如織陌頭遊女何輕盈把袂牽衣笑
語聲自憐少小惜顏色却傍桃花深處行

杜世祺

大堤曲

春郊繡陌花如綺大堤桃李媚十里家家女兒
爭春遊層樓未曙身先起日映朱簾曉霧收粧
成粉黛睂如鈎輕風拂拂飄羅袂蕩漾游絲裊
樹浮穿林踏葉晴烟濕紫燕黃鸝遞相及韶華
何地不可憐愁看飛花遍原隰探丸借客誰家
郎揚鞭走馬大堤傍翻身射飛中雙翼却醉壚
頭春酒香絲絲楊柳點輕絮花外歌聲畱客住
回首旗亭落日斜靡蕪一片人何處

喜姚苻水携詩見過邀同諸子雨酌

一春苦雪復苦雨獨坐荒村寡儔侶携詩賴有
故人來扣戶能尋浣花杜十載君遊遍越吳艸
堂重聚剪園蔬咄哉人生重出處不爲廊廟寧
江湖君歌起舞客漫賡我醉欲眠君復醒細雨
沉沉夜未央燈光低射銀屏冷卽今詞賦誰兼
長姚子才高興愈狂皤然鬢髮已半白意氣不
讓少年行吾徒相勉在甘節今日一堂明又別
當筵不盡酒十千空負相思寄明月

思親苦

棘人藥藥獨坐無聊偶爾簡編和
張侗初先生思親苦壬辰夏日記

北堂寂寞南園蕪棘人那得如田夫霜零萱艸
思何極恍惚時驚我母呼栝棬未看先淚滴堦
前細艸空餘碧夢中昨夜猶見之醒追懽笑胡
可得陟屺可歌高堂奈何花鈿雖亂零吁嗟手
澤轉難磨綠樹黃鸝不入耳攤書強解亦復爾
茫茫無計問蒼天存亡奚啻隔九泉俄然一訣
成千古人生惟有思親苦

丁酉中秋夜同郭虞符吳九苞諸子桃葉

渡看月

試問今夕會何夕月色秋光淡空碧渺渺寒烟
渡欲迷樓臺一望渾無跡金鞍玉勒繞盡廊千
門萬戶競飛觴明燈皓魄光相射處處酣歌樂
未央高樓少婦難成夢瑤琴月下調鸞鳳悠然
水上管絃聲盡船蕩漾紛迎送夜靜寒光冷帝
州天清露白雁聲幽六朝舊事空流水剩有關
山不夜秋此宵此景不多得坐久相看增歎息
城上更殘天欲明渡頭一片寒潮白

哭亡兒

長男弘濟生于巳丑九月十齡喪
母哭哭無恃自幼迄今不離晨夕

幼男弘潤生于丁未六月年未及期即
知言笑近能學步常繞膝前不意忽殤
于今冬十月廿六長兒亦隨歿于十一
月初九嗚呼骨肉痛心不半月而二子
云亡人孰無情誰能堪此悲號無地隱
惘難言邁此奇哀詩以代哭戊申冬日
記

嗟余初娶苦不壽見子卽如見其母年來繼室
復生男兩相眷顧計長久不意大者依依二十
年幼者提携甫能牽一旦恩斷幽明別存亡奚
啻隔九泉九泉尚且有兄弟父子胡爲頓別去
吁嗟何術可招魂尚期汝有返魂計弗謂人生

何太苦茫茫二子竟長逝

春莫放歌

東風搖蕩欺桃李滿地芳菲鬪紅紫鶯老花殘
春欲歸愁心却傷花枝起頻年病肺知交疎酒
盡床頭還自沾可憐四十不得志短褐茅簷只
著書

杜世社

西子歌

天意欲雪會稽耻不產奇男產女子學成歌舞

入吳宮夫差一見銷竟死西山椎土築高臺繡
柱朱闌面面開風送爐香迎玉佩月移絲管遞
春盃夜長歡晏歌聲轉舞到曲終衣帶緩朝朝
暮暮蘇臺傷行樂猶言情未展褰衣更上木蘭
舟菱葉菱花兩岸秋紅蕖出水鮮如滴恰比嬌
姿作並頭橫塘一帶花成綺掩映長鬟漾香水
倦來扶入館娃宮斜倚欄杆嬌不起歌聲未終
舞未窮越兵潛渡越溪東錦帆涇裏綺羅冷響
屨廊中戰血紅方知女色真殊絕身在吳宮心

在越烏啼茂苑委荒塵翻手江東成霸業功成
那返舊蘿村片石空餘溪水痕五湖烟月明于
鏡千載誰招倩女魂

元夕包介繁携酒見過

海風吹月碧萬里帝遣酒星照樽罍有客提壺
過草堂梅花夜靜香風起相逢慷慨飲千盃一
時懷抱向君開世上英雄本無定男兒莫倚百
篇才我醉欲狂君欲舞君歌一曲我和汝誰能
飛入廣寒宮寄語嫦娥漫歸處酒闌携月步高
臺東來無數青峯來仰天大笑送君去宇宙大
矣誰爲侶

杜世裕

行路難

長安少年盛繁華青絲玉勒白鼻騮千金之裘
縫狐腋不惜黃金醉倡家金門繡戶鬱相望意
氣豪雄敵卿相指顧能回造化權片言直致青
雲上古來獻賦重吹噓得意須乘駟馬車可憐
貧賤牛衣者終歲蓬門獨著書

杜春

將進酒

將進酒酒數行流蘇帳鬱金香綺筵明燭蘭膏
朗玉缸春釀琥珀光秦箏趙瑟繞翠殿象管金
簫引紫房中有美人舞霓裳鴛鴦十二弄鳴璫
鮫綃霧縠態翱翔嬌情艷意不可當上客沉醉
目飛揚主人再進白玉觴月匿鷄鳴樂未央

燕山行送李素心

朔風蕭蕭動衰艸送客北行臨遠道驪歌一曲

情暗摧把酒相看傷客抱去年烽火亂塵埃黃
金臺上黃雲來共話燕山盡兵甲每看燕月幾
徘徊今年君向燕山去滿目風光舊游處長安
道上紫騮嘶金馬門前天欲曙紅樓十二珠箔
垂點點飛花逐絮移嬌歌日暖猶未起醉盡江
南遊俠兒來往風霜慎相保莫愧十年空潦倒
會須踏遍綺陌春勿使朱顏愁易老舊遊賓客
尚風塵落落書生長賤貧倘過易水爲相訪猶
是悲歌燕趙人

杜登春

中條山打圍歌爲施研山侍御賦

白雲壓山雪半消龍鱗皚皚亘山腰疑是大海
垂虹橋波光連天橫麗譙繡衣折簡來相招云
從此處看射鵬登樓却望何次溲如入虛室失
昏朝減從不聞驄馬驕素心抒寫恣逍遙慨然
懷古虞絃調倡兮和汝康衢謠靜撫五絃絕塵
藪豈惟解愠民財饒書生潦倒坐雲霄下吏趨
陪忘屬僚擎盃滿飲樂陶陶晴烟捲日如輕綃

扶輪出水照坐貂雪山當空金紫搖雲根射影
奔紅潮須臾變幻詎能料獵鼓闐闐振旅囂掠
鷹脫鞞匝地抄穿莎狡兔逐犬焱千丈罟絲圻
岸邀一羣驥裏馳中條忽見壯夫來山椒三貍
一縱矜猛驍論功上賞浮銅焦割鮮毳帳酥酪
澆恨不勝飲坐無聊仰見歷歷垂星杓彌天皓
白何時銷天風一吹春色韶鹽池萬古白不凋
顧偉南先生歸自滇中時值七十春藻堂
諸子分題徵歌敬賦長篇兼以爲記

先生七十滇南歸齒牙雙厲神色肥蠅頭小字
篝燈足蠟屐緩步御風飛更怪華顛僅兼白蒼
黃鬢鬢揚晶輝翩翩來儀真鳳羽執耳登壇得
盟主五十年申數舊遊滿堂唯君識我父見我
文章知我心顧我含情若欲吐舉世悠悠尚緘
口黃鐘不鳴鳴瓦缶舉世沉沉尚歆醅一石不
醉醉一斗聽言提示比嚴師竦然誥誥誠復何有
傳聞杜子初生日賀者先生居第一周夏徐彭
共撫摩二宋李陳同置膝先公早謝諸君子先
生保孤情更密竭來我家姻婭中朝發練川夕
婁東兩家子弟都模楷西江丹槩推宗工言歸
會越浣花堂落紙如雲傲二王運腕苦教鋒欲
正分題限韻使當場

杜恒春

董樛亭歸自南粵喜賦

董生磊落落天下才開懷痛飲萬里來去年三月
瀟湘去今年五月蒼梧回壯遊任意何快哉仕
宦束縛真可哀詩卷縱橫成一編體裁直踞黃

初前到處逢迎更斐然時流下筆孰敢先綠珠
井邊乞顏色葛洪山下得長年搜竒探幽窮二
酉興來娓娓談神仙忘年且盡盃中物醉時月
下卽高眠我徒零落經時久復喜高才座上有
當年壇坫尚依然肝膽之交成不朽玳筵急管
復高歌昨夜相思難聚首灘流拍浪如人情頃
刻波濤君見否身世遭逢那可道經時執手須
傾倒文章道義日相親始信人生友朋好

杜弘瀛

春日同友人登神山

九峯盡蒼翠茲山轉清幽樓臺縹緲隔塵世蒼
松翠柏畱丹丘漫隨石徑路紆折袖底疎風透
林樾古洞無人鶴自鳴莓苔宿雨生碑碣與君
覽勝尋康羣昔日仙踪杳不聞半山落日暮鐘
起一望長天空白雲

雲間杜氏詩選

五言律

同郡

董俞蒼水氏

徐允哲西崖氏

選閱

京兆後裔杜世祺以介氏編輯

杜隰

徐魏國園亭牡丹盛開 御幸賜賞之翌

日招宴文武卽席次宋學士韻

倚雲栽國艷宜稱午橋莊色襯朝霞爛香隨化
日長君王看帶笑學士醉飛觴帶礪如花月年

杜詩

五言律

年樂未央

翡翠碧雲樓

樓在浦濱為先人藏書處

春風回首處猶有舊書樓
翡翠連緗帙燃藜續
貴遊當年天尺五
此日水中流
莫謾誇繩武
登臨感去畱

杜 幅

村居

地僻成高隱
桑麻十畝間
桃紅深隔水
柳綠遠藏山
日色柴門靜
琴聲草閣閒
春風披拂處
時

聽鳥關關

杜 芸

送次兒秋試

武庫家聲遠
名賢亦代興
嗟余悲伏櫪
願爾效飛鵬
十上心猶銳
一行價自騰
晚成應自奮
振翮待風乘

杜 裡

曉占

夢斷虛窓裏
鐘聲破曉眠
亂鴉迎旭日
濕逕鎖

木言
蒼烟葉落空階冷
花凝宿露鮮游鱗
輕出岸暖氣滿晴川

晚吟

日落昏林色
喧聞歸鳥鳴
依微村樹火
縹緲竹風聲
密藻魚眠穩
空庭雁度橫
小齋元自僻
傷暮轉孤清

杜 菴

九日喜晴與同社諸子散步秋郊

秋陰元不惡
見日好懷生
烟水恰人意
郊原稱

客情楓飄千樹色
石漱一泉聲
正值登高候
行游遞唱賡

同談本彙登報恩寺塔余獨登其巔

秋雨淒其日登臨
望欲迷天圍千嶂
小山繞一城
低金鐸凌風起
銀燈照夜齊
相攜忽相失
獨上最高梯

杜 讚

閨怨

思君千里外
獨坐訴愁腸
不道空閨寂
偏教秋

夜長玉階清露冷金井莫烟蒼此夜關山月應
知兩地傷

杜時登

新柳

隋堤韶景麗新柳覺春饒着雨添姿媚迎風帶
影搖疎枝黃鳥度淺葉翠睂嬌有客理行楫煩
君贈遠條

聞砧

此夜南樓月誰家砧杵聲霜威飛塞草雪色動

孤城青海征人淚空閨少婦情詩成聊獨酌心
跡喜雙清

杜時騰

石埭署中閱南北塲鄉試錄喜兒宗彝姪
獻璠孫士全並捷

白首憐余邁青雲羨爾登聯鑣千里駿並翻九
霄鵬自是詩書益敢誇福澤膺勉旃從此奮丹
陛更同升

黃縣別諸父老

五言律

五言律

三年休養力一旦別離情稅事須先足麥田宜
蚤耕身家忍處保衣食儉中盈回首雲山隔飄
然兩袖輕

杜時襄

和友人重理團扇韻

製是班姬舊新裁更潔娟含風骨未改學月貌
重圓塵尾方談柄蒲葵豈論錢得君纔剪拂匣
筥未應捐

杜宗範

黃河

浩浩黃河水乘流天地空濤聲連海外帆影入
雲中野戍看荒岸生涯信轉蓬客愁心欲絕逝
者意無窮

其二

奔流日夜急水道極西東古樹人家斷連旌稅
路通雁聲霜氣外漁火月明中試看營營者何
如垂釣翁

陽谷店次韻題壁

本言
五
晚尋陽谷店燒燭檢鄉書涼月窺虛牖寒宵憶
敝廬故園悲別鶴何處寄雙魚未卜刀頭日空
懷駟馬車

杜宗玠

美人走馬 九月十一

已過重陽節還同戲馬臺纖腰爍電去絕足彩
雲來玉勒花爲伴仙姝龍作媒飛騰兼綽約邴
得不顏開

少宰遠初董甥告歸過訪席間志喜

一別幾經春相逢話舊頻宦情君莫淡逸興我
能新野供寧嫌菲村醪且共論渭陽誼自切不
厭草堂貧

杜獻璋

浦行

春水浮春楫柔風挾浪和雲容垂野濶柳色傷
村多鄉縣分衣帶滄浪起棹歌鑑湖何用乞隨
意狎烟波

春夜苦寒

七
上詩

五言律

本言
反側難成寐春寒夜較強角悽城帶月鐘斷寺
含霜影抱孤燈瘦宵憐獨醒長江梅應吝彩不
肯試晨粧

杜獻璠

題迴菴軒

素心元落穆老去復何求詎爲傷弓感囚之擇
木謀以吾懷野鹿快汝狎沙鷗生產無他問惟
祈秫有秋

其二

世情曾閱盡鳥道總堪愁屐許投三徑鯖慵問
五侯憑誇健似鶻且學拙如鳩野老從爭席襟
期百尺樓

杜開美

同子厚弟孟符姪石林庵看桃花

爲憐風日好約伴踏春華不謂傾城色還生大
士家諸天元有相淨土恰宜花初果成看異東
方莫漫誇

從叔禎父招飲

七言詩

五言律

七

莫謂村居僻山阿亦有人藏名聊學圃好客不
辭貧古屋荒原少羣葩曲檻新但嫌雞黍約芳
臚襍爲陳

與從叔公圍夜坐因懷幼白弟分得官字
暮雲仍作雪竹葉入盃寒別久語無次漏移情
不闌因君思遁世起予薄微官小謝遙相憶池
塘句未看

七月十五夜許孟新王叔朗小集口占

玉露淒團扇高城片月來故人今夜集樽酒草

堂開桂影含秋冷蟲聲抱葉哀明年誰共此把
臂重徘徊

園居

看山纔脫屐息鞅復山居愁或盃中寄交因病
後疎爲園半畝竹樂志一床書却笑文園令干
人薦子虛

春日喬文燁陸際卿朱爾實小集池亭

地偏情自遠不厭俗爲隣杖履來同調烟霞喜
共親禽言工媚客花塲曲藏春能以烹葵任知

君意氣真

訪劉子威先生

先朝賢執法門似遠村閒自管辭驄馬于今卧
小山千秋徵白簡二酉老紅顏媿我雕蟲技頗
教繡斧刪

訪殷無美招二三同調爲文酒之會余以

病辭賦謝

一葦聊乘興江城問故人入門疑夢寐把臂見
情親不盡別來語徒憐病裏身呼尊君慷慨吾

意更逡巡

寒夜同張長輿王叔朗徐子先潘元漢集

俞比部宅分得花字

招隱來三徑蕭疎菊尚花論心多感舊卽事易
成嗟細雨畱人醉寒雲入暝斜興酣殊未降街
鼓莫頻搗

遇雨次朱季則丈韻

馬首風烟合高天野色平雨傾疑木落雲濕覺
寒生窺跡尋荒宇關心更遠程敢嗟泥滑滑失

路總難行

鷄鳴寺訪閩中陳惟蓋不遇

客舍是花宮相尋翠靄中
逢僧頻問姓下榻乍
成空驚座高名在論交
此日通還期千里駕十
日布衣同

雪中再訪王百穀

重來問竒處爲愛主人賢
飯客伊蒲饌繙書貝
葉編玄言流塵尾白雪
雨蟬連典盡歸王棹君
應擁膝眠

十一日張次甫招同喬伯圭唐堯卿集景

熙堂

一樽風雨夜共惜歲華新
俠骨能容傲文心互
許論懽憐花解語暖覺
座先春郢曲羣公擅無
須吐絳唇

送吳中翰請告南歸

相逢卽相別驪唱可堪聞
金馬纔通籍文園復
卧雲他年期鳳舉此日
惜萍分去值冥鴻伴鴻
歸倍憶君

七言律

五言律

閏九日憐芳菊次許太僕脩之韻

芳辰重對菊仍滿鬱金堂
剩蕊猶含笑疎枝淺
度香杯浮元舊白花不改
初黃爲問茱萸女誰
同傲晚霜

得道執弟拜官後書

近得春明信除書拜夕郎
珂聲朝帶月簡色晝
含霜職已叅鷓序情偏切
雁行欲憑雙鯉報雞
骨僅支床

構小樓

連雲紛鼎峙小築一枝看
老作容安計貧知肯
構難臨風思闢牖攬月欲
施欄地迥春先入層
簷鳥雀歡

初九夜看月

此歲江城月清輝忽半輪
影芳梅作伴光冷臘
猶隣轉盼饒新態分華若
故人倚樓何處笛紅
袖欲傷春

元夕同陸際卿陸殿卿喬宜之從叔公璵

君權小坐是夕無月無燈談飲甚適

此夕當元夕深卮更淺卮星橋天外落雲影座
中移既掩月千里何無燈九枝豈應我輩與相
對但支頤

郊外訪劉次舒沈茂之不遇

出郭尋高侶人堪二妙看郊居元沈約招隱亦
劉安潮落閒門靜雲封曲逕寒溪鷗如笑客未
許暫盤桓

杜士領

登茸城同巨先弟作

出郭塵襟淨春深樹木低尋花穿曲徑看竹渡
前溪游女憐香草羈人厭鼓鼙隔屏迴翠珮黃
鳥滿林啼

西林上人

招提烟郭外境轉識禪扉宮殿浮蒼靄藤蘿繞
翠微水清魚入定林靜鳥忘機坐對高僧話空
庭花雨飛

杜士全

過唐嗣宗山房

杜詩
築室青山裏開門綠水邊
小窓窺遠岫高閣俯
平田徑欲求羊仲圖堪入
輞川據梧還策杖朝
暮領雲烟

懷表度兄

風雅衰宗舊吾兄
早亢聞函開武庫
卷帶拂草堂雲
捉塵同揮俗啣
盃但論文楚江
秋雁過南望
憶離羣

省覲後之任舟次京口適彥恭弟罷對南
還匆匆賦別

江頭逢季子洛下賦歸來
市駿新無價黃金空
有臺爾還彈短鋏
吾去理南槐聚首
何能別長年莫浪催

工部到任偶成

甫正冬卿席新聯
北斗班秩高恩更厚
才短職常疎
慚媿心徒赤
蹉跎鬢已斑
總因圖報國未
敢計還山

其二

馳驅三十載沐浴四朝恩
莫以文昌貴還于將

作倫宦情江水淡王氣 帝陵存轉覺宜疎散
委蛇道自尊

鄧養樸老師兩郎君見在以五七言律相
贈各和一首

公子風流甚箕裘業並傳已工郢雪調猶妙洛
陽年爾抱連城器余慚大國鮮通家自孔李把
臂見情專

丁酉秋予座師令弟表小脩文戰失利來
遊大冶同汎青龍閣至夜方歸有詩見

投依韻賦答

忽枉南州駕來登湖上磯碧波寒樹影華月澹
燈輝同調憐傾蓋悲歌襍采薇濁醪拚共醉白
雪和人稀

紫金山雪景

春山猶積雪誤作紫金看潔並崑岡素光搖日
色寒龍蟠鱗鬪鬪虎踞影漫漫喜睹豐年兆玄
宮瑞靄繁

杜士基

初度遇雨感懷

時菊月十三日

風雨重陽後俄逢弧矢懸地偏長作客秋老復
增年莫恨趨時拙應知賦質綿劬勞何以報終
廢蓼莪篇

其二

旅鬢垂垂改鄉心在在懸投珠長按劍力穡幾
逢年剩有萸枝佩寧忘瓜瓞綿所欣剝啄少風
雨漫成篇

杜士望

齋中小集賦贈孫繼甫

寒色衡門迥開樽夜未央交從貧轉密興到語
尤長屢舞吾忘醉清歌爾獨狂相看多意氣江
左有孫郎

杜士益

穀雨喜晴同兄禹門觀所姪寧洋孟符遊

龍華

久惜春光揜晴開穀雨天野郊花似錦近舍柳
如烟白馬驕嘶去紅裙笑語還相看日欲暮衣

杜詩

五言律

五

薄怯裝棉

寒夜與君權叔彥恭兄坐雪分得中字

風雨瀟瀟夜凝雲四望同渾疑梅怨笛還似絮
迴風羣木蒼茫裏千家虛白中迷離遙入座小
閣覺寒空

杜士冠

春莫同雲樓叔表度兄泛舟遊佘山及細

林天馬諸峯雨阻志惜

縱棹畱春色溪山逝不窮溯洄無廿里俯仰若

千叢坐雨稽遊屐凌風信轉蓬可堪登眺興半
失此舟中

杜士雅

詠菊

晚節誰能貞黃花獨擅名霜嚴敢寄傲露白反
滋榮甘谷人難老東籬觴自傾朝來欲相訪郊
外報新晴

詠松

喬木誰最古先秦卽鬱葱濤聲翻絕壁嶽色播

長空枝老巢容鶴年淡鱗作龍蒼顏永不謝常
照月明中

咏蘭

無嗟空谷卧風管愛山阿夢入明王少香來國
士多賞同籬下菊翠映石間蘿幽意誰能爾孤
芳奈汝何

詠桂

不作軒墀玩小山自結盟以秋姿皎潔借月影
虛盈性與薑同老花緣粟得名可宜招隱賦寥

闡寄生平

杜士純

五人之墓

瑤焰迷天地胡爲君獨竒軋綱七尺挽大義五
人持一日君親盡千秋氣節垂至今松樹下謾
謾有餘悲

湖州郡守梅梁姪平寇有功六郡得全聞

同事有見忌者詩以慰之

玄才真有補談笑捲烽烟六郡萑苻靜五湖波

浪捐功成薄傳介績異紹樊川不伐勲彌大行
看帝眷先

杜文煥

蒞朔方紀事

重臨朔方郡已度一週星河水猶然白蘭山依
舊青戈矛開幕府鼓角動旗亭前後三持節
君恩戴寵靈

隆中武侯廟

隆中高卧處遺跡柏森森廟貌丹青古碑銘苔

蘚侵三分天地改六出計謀深日暮清風起如
聞梁甫吟

夏日雨霽大中丞楊公招飲南塘泛舟

別館開芳讌南熏起坐前自同山簡興不異李
膺船水溢金堤雨風清玉塞烟野謀慚借箸何
以副賓筵

張慰堂侍御邀同趙開吾給諫劉復陽通

侯李紫函光祿宴集秦淮亭上

凌霞丹閣啓卜夜綺筵開俯看秦淮水頻傾河

朔孟方舟簫鼓競解纜榜歌催秉燭良遊遂相
拚醪酌回

杜元會

寄恨

多難遠離居鴟鴞窺舊廬飄搖驚入戶風雨竊
乘虛結構皆親手丘園盡祖畚嗟哉王謝燕今
日向誰問

九日樓中坐雨

陽九重逢會陰寒積雨愁南出徒在望西日阻

行遊雖老陶潛菊仍登王粲樓一觴還一詠詩
思滿林丘

杜元楚

過蕭寺

散步涉林丘鐘聲到客舟吳雲山不斷漢月水
空流香滿胡麻飯寒生白紵裘常思清淨理此
地可淹留

杜元良

登君山

五言律

層巖開晚色野望極滄溟樹帶江雲白天連嶂
霧青鳥啼飛澗斷龍蟄暮潮腥山路風烟渺歸
來月滿庭

春日登細林山即事

絕巘疑圓嶠高人多隱居玉樓跨紫殿古洞接
仙廬石磴緣山曲泉源出井紆春遊應不倦黃
石傍方渠

姑蘇懷古

疊嶂接層城蒼茫烟霧生臺荒麋鹿地逕遠玉
環聲水落橫塘暮松深硯石平霸圖何寂寂佇
想倦游情

杜元鑣

春莫同念陶姪麗初婿游柰山

久負登臨志逶迤春莫行山容濃不斷水色靜
無聲荷鍾尋殘筍攜尊坐落英烟霞如可借十
畝足躬耕

申浦掛帆

晴日平川勝征帆一羽輕飛雲歸遠岫浴鳥出

幽汀隱躍魚龍氣連綿天水情一杯堪對月何處棹歌聲

乙酉仲春奉祝大司空伯父存問

回首登朝日曾經幾歲寒節從孤處勁度向迨時安門列于家駟庭陳謝氏蘭主恩今日渥捧詔問加餐

寒夜聽雪憶子曠在以介尹受齋頭

擁絮怯寒夜挑燈聽雪聲伊人詩思渺二仲酒懷傾搖落殘冬况飄零故苑情春風消息早晴

色滿江城

春日送源兒北上

金勒紫絲纓揚鞭萬里行鶯花客裏况烟雨馬頭程易水風初暖桑乾酒正清槐黃初獻策先試聽啣鳴

杜元臣

春日登金山

片石空江立樓臺面面浮天高霜雁寂塔廻海雲收帆影隨烟盡潮聲帶雪流紅塵從此隔身

杜詩

五言律

三

世一虛舟

京口觀水操

北府軍容盛南徐萬艘屯艦爭飛鳥疾聲入怒
濤奔兵氣連瓜步烟光閉海門安危諸將在仗
策復何論

杜元凱

月夜泛太湖

一碧知無地歸帆天外飛空濛同渾溟虛白自
霏微欲探鯨人淚疑乘桂樹梯清江把酒客欲

問已忘機

杜元期

幽居

幽居常聞寂獨坐似空山不覺野花落但看飛
鳥還磬聲閒入耳苔蘚易成斑宿雨堪消日蓬
門莫上關

晚宿山房

石壁含秋氣涼颼吹短衣淡雲將月曉孤鶴帶
星飛露濯松身濕天清竹影微捫蘿凌絕頂蒼

杜詩

五言律

三

翠欲相依

杜忠期

秋夜懷四兄

何處西風起蕭蕭入敝廬江河俱下露鴻雁幾
來書月白秋天遠更深哀角虛他鄉今夜客旅
食復何如

贈太乙上人

皓月落松陰山房此夜深鐘聲驚客夢燈影定
禪心半偈空天地三生悟古今遠公忘色相靜

對欲開襟

和友人夜宿江樓

羈旅暗生愁他鄉明月樓萬山飛瀑冷一夜落
梧秋北雁頻南度江潮入海流憐君長作客只
憶舊松丘

越中別微道人

疋馬越山中登高望五茸水連天更碧日上海
先紅客到他鄉別春回故里同何堪正惆悵杜
宇喚東風

五言律

五言律

三

杜如期

戴叔鶴許霞城遊淨慈寺寄韻却和
興引登臨屐開尋湖上行望來千嶂合羸得一
官清雲靜飛鴻肅潭澄落照明遠遺黃絹句兩
腋欲風生

同王懷宇登釣臺

頻年身是客幾度釣臺攀釣罷臺猶在臺空人
不還牛羊古道上松栢夕陽間試問風塵侶何
如此地閒

登洞巖山

一名靈洞在蘭溪東

捫蘿登峭壁乘興任夷猶嶂翠非關雨林丹轉
覺秋插天惟鳥道吟壑卽龍湫莫怪征衣冷寒
松萬疊幽

杜如恂

同侯懷玉表兄海中閱操

水國屯征蓋揚帆任縱橫旌麾搖日色金鼓沸
濤聲萬艘凌波合千檣破浪行爭標雄虎豹露
布入承明

杜 蓀

夏日感懷

谷口真清勝中宵暑氣收
頎人歌獨寤高枕嘆
無憂樹影疎星度雞聲曉
月流當年起舞者壯
志在江頭

杜麟徵

婺城別朱元宰

爲客還送客行人愁奈何
久知天地濶始信別
離多舉白憐新舞來青憶
浩歌散夫仍有約載

月數相過

過嚴灘

扁舟富春渚回首激溪瀆
綠水晨生霧青山暮
出雲荒村猿嘯侶廢庵鹿
成羣合著羊裘坐母
令漢殿聞

杜啓文

七夕後二日立秋

一葉迎商序吳宮感舊愁
橋虛前夜渡河歌暫
時流月色方殊夏砧聲已
帶秋開元有遺曲縹

杜詩

五言律

七

本言
緲下層樓

季夏風雨兼旬贊兄以詩見投卽韻酬之
寤言思窈窕轉側未成歡積雨三湘暗悲風六
月寒壯心雖欲問短髮向誰看只覓高陽伴論
文愧子桓

黃金臺

昭王不可作君子感何深買骨一時事求賢千
古心薊門悵搖落碣石眺嶇嶽巖穴虛延佇高
臺自古今

杜啓徵

雨中過法相

登臨常得雨南北兩三峯清共一泓水寒分九
里松茶烟因竹出酒力近花濃吾意原無住隨
機任適從

定南書院次壁韻

曉發安南道斜陽此寄身花迎獨徃客鳥認舊
游人過眼嵐光濕檠盃月色新嗟余殊汗漫鹿
鹿去來頻

土詩

五言律

三

待關

極目牙檣聚關門日色西雲連千樹合人集萬
聲齊行李春衣薄扁舟客思稽自慚無紫氣俗
吏廢招攜

杜啓慶

晚渡

避潮恒繫纜傍晚却開船落日搖津樹歸帆帶
莫烟天寒紅葉下江濶白雲連誰說罟師苦蘆
花醉獨眠

杜啓晉

古栢

不逐春芳艷孤標自出羣貞心同匪石直節上
干雲幹古岳靈護葉濃甘露殷歲寒終不改佳
氣日氤氳

杜啓源

庚戌人日都門有感

晴和當獻歲更喜日逢人玉律猶殘臍金城似
早春有家難憶別無客不愁貧意氣憑誰壯侯

門車馬新

毘陵曉發莫抵潤州

一日兼程發江城坐落暉壁懸兩岸絕帆挈一
舟飛親舍瞻雲遠鄉心與地違前途難自計策
騎好駢駢

京邸喜晤嚴六一兄

兄弟無多幾天涯我二人吳門三載別燕市四
時親遇短心還壯囊空興不貧晨昏同嘯傲差
足慰風塵

杜爾詔

元夕馮與叅錢古男陳天孫陳文孫小集
故人良夜集尊酒共題詩別院燒燈早閒庭掛
月遲世情貧後見老態病餘知自嘆行藏舊空
教雙髻絲

西施菊

國色久傾棄名花獨解憐月娟姿更淡風曉態
如言豔冶吳宮最清幽湖水偏柔枝應共惜莫
負翠花鈿

杜爾璣

散步郊原

柳色縈芳甸
花陰夾小橋
晴烟凝眼碧
啼鳥向人嬌
步信春流轉
情沾翠岫遙
何妨一樽酒
藉草坐吹簫

杜貽永

寒食

薄莫禁烟收
晴江迴不流
陰雲含薜荔
慟哭拜松楸
日落飛鶯急
春歸旅雁愁
微聞山下路
歌

吹隔江樓

杜聖生

春日山中

洞口春回日
柴扉夕照時
雪消山逕曲
風暖澗花垂
長嘯慚蘇嶺
愁吟憶楚辭
數枝梅未落
短笛莫橫吹

夏日

綠樹圍村逕
重陰蔭四隣
懶尋河朔侶
差擬北窓人
雨驟餘殘照
池清躍素鱗
林塘多逸興
散

杜詩

五言律

完

髮一垂綸

由青溪至玉峯夜泊

解纜下青溪
蓬窓夕照低
亂峯隨岸遠
孤棹入雲迷
縣古廻山堞
城高暗鼓鞞
客心明月外
愁聽夜鳥啼

杜亮采

春夜感懷

寒柝催良夜
蕭條對一經
酒澆雙劍綠
香灸一燈青
鄉思驚歸雁
詩題擬斷萍
壯心消未已
雞

唱不堪聽

聞蟬

綠樹重陰下
新蟬韻倍長
引聲侵午夢
舒翼怨斜陽
露吸隋堤曉
風清吳苑涼
客懷正無賴
况復送清商

杜來遠

送履信弟設教吳門

莫謂窮愁老
君今舌可耕
已無司馬壁
聊向闔閭城
劍本魚腸利
星原處士名
秋風消息早
爲

負五侯鯖

初得雨

苦旱秋逾甚晴原望欲焦山川出雲氣風雨遍
崇朝虛閣看林瀑空庭聞夜刁老農驚喜極把
筮上危橋

杜龍德

除夜

又值三餘盡翻令百感深貧無親戚問老覺歲
華侵鏡裏明朝鬢燈前此夜心妻孥相慰藉轉

復涕沾襟

湖上獨坐

暫憇長松下風來雨去時鳥飛追杖履山翠接
鬚眉野曠天如笠湖平水在卮漁樵未相識混
跡了無疑

晚梅與桃同開

只道梅何晚那知桃已紅豈其庾嶺信恰與武
陵通迎送煩蜂蝶榮枯問雨風不妨冰玉質暫
照綺羅叢

五言律

五言律

三

雁陣

肅肅凌秋到
嘹嘹啄粟肥
九天聯伍進
五夜拔營飛
捷檄雲中草
征衣雪後歸
莫須悲旅宿
回首玉門違

杜世祺

贈偉人伯仲

二陸真高士
深山只讀書
閒居尋野蕨
高卧對河渠
戶外白雲滿
庭前青草餘
風流南國少
知己獨推余

立秋日口占

林塘猶是夏
雲物已迎秋
山淨連天碧
松陰匝地幽
半窓驚葉落
一雁動邊愁
何處西風起
輕寒上客裘

由慈雲嶺訪西湖樵子曰悞走桃花嶺矣
勝地真堪訪
相逢賴有君
那知烟一片
猶是逕全分
悞入桃源路
來攀嶺上雲
登臨興未已
回首日將曛

屯溪發棹喜晴

七言律

五言律

三

擊楫下江船青山斷復連帆鳴風正急水澗岸
相懸宿雨洗春色新晴見曉妍一樽心共遠極
目對平川

答馮與叅先生見詢

吳越山川迥通家誼自深一朝驛使至千里故
人心愧我捲書卧羨君抱膝吟何時還鼓興重
過艸堂陰

春仲答家季

時讀書
楊宅

子行春已半詞賦近何如客夢梅花裏離情柳

總餘烟迷杜曲樹月淡子雲居紙帳茶爐夜山
深好著書

其二

念爾離情切題詩寄艸堂如何分袂苦翻願別
時長援翰當春色高吟向夕陽同心喜聚首夜

雨憶聯床

時莫英人
設絳楊宅

錢塘舟中

爲憐春日好擊楫賦歸歟舊熟吳都賦新傳越
絕書山盤雲氣合江折水聲紆南北頻回首扁

舟意自如

同欽生漢來兩叔過張求之姑丈竹林分

得天字

仲蔚蓬蒿宅修篁高插天門臨綠水曲戶傍白
雲偏花下通三徑林間傲七賢居然衡泌樂可
賦隱居篇

九日莫英人過約登高以病後難登偕余

閒步

病來疎舊友令節喜招尋以爾登高興起余覽

勝心晴烟橫野岸曙色醉楓林何必層臺上方
聞山水音

寄袁公韜 今字三衡

楓樹吟秋日江雲憶故人爾瞻南去雁余望北
來塵狂態少年美交情老大真如何衣帶水濁
酒不同親

新晴志喜涵秋朱夫子限韻

空濛雲乍捲草石亂鳴泉倦起花扶艷眠餘柳
正鮮遠山新綠外近水碧霞邊不作連宵雨那

知今日妍

送漢來叔爰諷弟北上會風雨大作賦贈
送君還惜別翹首望扶搖芳草征蹄滑長風去
路遙蛟龍從此變雲雨自相邀指日燕山道緘
書慰寂寥

元夕張子毅王尚六季膺弟同集是夜風
雨不輟子毅有作依韻酬和

勝友良宵集高懷興轉加春陰沉玉漏夜色燦
銀花霓曲雲間度星橋天外斜闕山何處照爛

雨遍千家

春夜懷西崖在介繁齋

一水盈盈隔三春日日陰烟霞供綵筆風雨動
高吟北海樽堪把東臯月共尋江頭芳艸綠應
念故人心

浦行

一望渺何際浦光映晚霞雲開天有色地曠野
無家小鳥凌風急孤帆走浪斜遙村烟漸起樹
樹暮歸鴉

送揚扶曙歸新安

久羨關西望還誇江左才頻年喜問字此夕悵
啣盃明月隨舟去新詩滿袖回故園春正好到
日百花开

肺疾獨坐口占志感

頻年憐肺病垂老卧江邨白日惟高枕清秋時
月門詩篇聊自遣樽酒向誰論衰艸荒三徑空
庭烏雀喧

春日苦雨書懷寄徐西崖

韶光何處度日坐雨聲中水泛平江綠花殘野
岸紅乾坤時事異日月感懷同莫吝春風棹來
過話舊衷

會傳歸晤徐健庵太史待渡浦濱口占送
之

待渡申江上歸心不可畱扁舟衝浪遠百里掛
帆流南浦烟光合西林月色浮故人今夜集下
榻共綢繆

杜世法

宿陸氏山庄

日落松園暝雲歸竹戶封疎螢度簾幕湛露滴
芙蓉詩思秋逾澹鄉心夜較濃還應披坐起遙
聽隔林鐘

冬日漫興

旅思斜陽裏登臨敢自嗟路窮詩未絕興盡酒
還賒幽鳥喧深竹寒流帶晚沙故人殊未晤芳
訊托梅花

杜世祉

同子曠兄雨窓夜坐

寂寞不成寐琴書引興新竹風頻弄雨蟲語漸
依人虛壁茶烟繞寒窓燭影蹲他時酬世業此
夜早經綸

詠虞美人

芳卉殊堪對佳名劇可傳含羞偏欲舞不語自
生妍艷冶桃應妬溫柔月見憐自從垓下恨千
古血猶鮮

薄莫同陸偉人郭虞符朱涵秋夫子登清

涼山遠眺江上諸峯

晚霞封遠岫何計數江峯遙指烟生處頻疑雲
墮中濤聲山後緩漁火渡頭紅不道南宮筆悠
然此地逢

次王玠右先生山居韻

竹匝青青閣荷香曲曲堤閒花隨意落野鶴任
情啼雨潑書聲細風和琴韻低儒冠非所慕塵
市不吾迷

傅石漪使君總部北上承示佳咏賦送

杼軸東南苦經營不憚勞三年成訓聚此日送
旌旄柳色牽棠蔭春風沃土膏從知公輔器應
佩呂虔刀

范會哉使君招同葉嶠初朱周望兩先生
泛舟惠山夜飲

檠戟秋江列筵開皓月來天清山影瘦露白鴈
聲哀酒快平原飲人誇鄴下才興酣忘夜永長
嘯共登臺

江上遇賀仲儆于扶九與月仙同泛

一棹輕于葉悠然秋水湄伊人天際想彼美月
中期邂逅偶相值悲歡各自知落霞連晚照掩
映遠山睂

阮別駕左遷歸粵僑寓鴛水畱飲漫成

主亦依然客重開客裏筵易傾杜氏酒難辦阮
家錢失路悲同調無媒敢自憐醉餘思往事搔
首問青天

杜世裕

春草

正自愁春莫池塘復亂生綠隨游屐遍碧載古
碑輕冉冉江南恨萋萋塞北情野烟空鎖處何
日不啼鶯

秋柳

衰柳臨溪上蕭條送暮愁無陰藏酒肆有葉點
行舟鴈落隋堤月蟬吟灞岸秋淒其悵搖落斂
盡舊風流

送吳澹庵姨翁奉詔粵西

皇華誰夙望陸賈舊知聞翠蓋分榕葉金貂擁

蕩雲斂人爭負，駑銅柱好畱文。莫漫懷靡及，占
星百粵殷。

秋日同秦濟公過竹林書舍分得林字

佳客堪攜手，清談對竹林。黃花隨徑發，紅葉得
秋深。意氣看同調，牢騷共短吟。壯心摧折處，歌
罷聽清砧。

同研山表兄曉行山路

策馬隨殘月，層巒曉氣清。烟含千嶂合，雲護萬
松平。密樹窺星影，遙岑聽鳥鳴。東方行漸白，次

第問山名

秋思

寒風侵幃幄，望遠怯秋深。刀尺閨中意，烽烟塞
外心。笳聲遲朔鴈，月色薄瑤琴。惆悵封侯晚，流
蘇冷鬱金。

仲春雨雪

二月東風厲，彤雲散玉塵。銀屏千嶂合，瓊室萬
家春。淨切梨花艷，光涵杏色新。灞橋今夜月，應
照策驢人。

喜南山大兄重過郡齋聯床話別

舉首復今夕江城笑語頗長途難自計短燭幸
相親不盡樽前意還憐客裏身漏殘情不極握
別重逡巡

杜世雋

過貝多庵

忽遇廬山寺來尋惠遠家傳經翻貝葉奇樹發
曇花碧瓦雲霄外丹梯道路賒常求清淨理何
處覓金沙

代催粧

春谷芝蘭葉東風桃李花珮環五色玉侍從七
香車識度山公婦高才曹大家鹿門堪採藥乘
興即烟霞

杜春

郊遊即事

何處春深院春歸自寂寥亂紅隨蝶舞弱柳貯
鶯嬌草色迷芳逕溪流斷小橋舊時王謝燕飛
去覓新巢

見月憶九高弟

鴻雁忽離羣哀鳴向暮雲天涯俱有恨故國那
堪聞玉露晴空滿繁霜秋色分何時乘夜月樽
酒慰殷懃

登山春望

絕嶺天風濶歸雲海樹平登臨猶勝地俯仰獨
含情谷轉鶯聲合泉飛石澗鳴孤懷向春艸無
處不愁生

同止鑒步月有懷硯銘

數載悲秋客相憐此夜同小橋橫鐵笛衰柳變
金風雁度邊聲近砧催漢月空遙思張仲蔚寂
寞隱蒿蓬

杜登春

安仁贈程北海

爲宰章江口清風百里聞空城鳴鶴雀密座繞
烟雲山雨衝紅屐春毫寫練裙相期歸棹早莫
使惜離羣

沈友聖招同二童盧施諸子飲郊居

垂老新知謝忘年舊侶親無媒寧自得
有客不言貧酒是求詩蓄名從獨行
尊當時龍處士勝爾擁文君

宋既庭攜杖頭虎丘旗亭招田髯淵同飲

分韻

聖世遭同獄浮名競自誇交情敦舊雨
綵筆爛秋霞訪道依蓮社尋山醉酒家
命儔良不少輸爾絳緯紗

壬寅初夏過公懋伯園亭薔薇盛開畱飲

其下與叔祖天馭叔景韓欽生同賦

小徑堤新築循塍到水涯不須載酒至
恰遇賞花時響遏蜂迎拍光浮瓣入卮
坐中諸父在伐木好題詩

杜恒春

髯淵移樽梅花榭分韻得家字

有客偏攜酒相招處士家臺前花氣重
庭畔月陰斜入座秦聲細吟詩郢曲嘉
醉餘還共榻明月賦蒹葭

又和林定遠韻

太虛堂上月睽隔已多年風雅推前輩才名仗
後賢一羣啼樹鳥五月落花天今夜啣杯客臨
流共醉眠

長安秋思

無計客天涯依樓即是家砧催霜月曉鴈度夕
陽斜六詔王褒使三洲陸賈槎故鄉歸未得極
望暮雲遮

有感

丹詔年年發茅簷未感恩浮雲終日蔽落魄幾
人存白壁誰言賤黃金世上尊哀鳴悲伏櫪徒
倚失朝昏

杜世模

美人走索

一索掛長虹佳人在望中輕裾高動日羅襪捷
生風妙舞從天降嬌歌舉世空可憐機上女相
對首如蓬

杜世準

癸丑上巳日風雨

何當逢上巳恰值永和春風景悲今日才名美
昔人觴流紅雨幕泥藉落花茵淑氣遲西候溪
澗得釣綸

杜廷銓

同韓梅谷遊妙涇庵喜晤宋子雨臣

偶隨游士展精舍一徘徊不用買山僻還疑卓
錫來談玄揮玉塵移日坐莓苔大樹蕭蕭暮悲
秋賦有才

杜弘瀛

暑月同季膺叔包介繁夫子曉出海邑待

渡即景

徂暑猶然夏涼颺頓覺秋孤城沉盡角極浦沸
奔流月淡星芒散天高海氣收俄看風驟發歸
棹等夷猶

冬日即事

何處西風起蕭蕭四望同天高鷗陣小雲澹寫
聲空擁褐裁詩苦驅寒仗酒濃虛窓梅蕊綻春

意已融融

杜天鑑

邑尹辛子黃公招飲

不盡青山色梅花逸興催多君敦夙好邀我數
街盃白薤園中得清歌醉裏裁頻銷銀燭短分
手更徘徊

山家卽事

春潮初帶雨載酒至山家逸興隨流水文章動
落花清言我道遠白雪和篇賒應識啣杯趣林

臯日未斜

有贈

孺子稱高士歸來深掩扉三秋蘭蕙佩終日芟
荷衣世路傷淪落風塵孰息機坐觀心自遠何
必問漁磯

策銘周子暨諸同人登君山

名山新霽後握手意難禁詩酒人間事登臨我
輩心大江涵埜色鴻鴈沒秋陰落日空惆悵松

風向晚吟

山有松
風亭

類別

編號

40992

冊數

2

售價

6.00

木言

雨夜獨坐

蒼茫山色斷空館怯微寒舉酒無人語揮毫復
夜闌淒風桐影亂細雨竹聲殘砧杵驚清夢長
安何處看

